

اصوات أدبية

١٤٥



إلى الفنان الكبير الذي سقى  
الدمى مكنه وصرح  
الأستاذ فاروق السرفوب  
ع ليم

١٧/١٠/٢٠

## ضفاير الشمس

٥٧٠١٤٦٧ ٥

شعر

نجوى السيد

١٢ فبراير ١٩٩٦

**مستشارو التحرير**

**فؤاد حجازي**

**د. احمد السعدني**

**فاروق حسان**

**د. زكريا عناني**



## **اصوات ادبية**

إسبوعية

الهيئة العامة لقصور الثقافة

رئيس مجلس الإدارة

ورئيس التحرير

**حسين مهران**

المشرف العام

**على أبو شادى**

نائب رئيس التحرير

**محمد كشيك**

مدير التحرير

**أحمد زرزور**

سكرتير التحرير

**حمدى أبو جليل**

المراسلات باسم مدير التحرير

على العنوان التالى

١٦ شارع أمين سامى

القصر العينى - القاهرة

رقم بريدى ١١٥٦١

تصوير الغلاف  
للغنان جمال السبعاني


---

## الهداء

حين تشرق الشمس وتنشر شعورها في كل مكان ، لتدفيء  
كل من بالأرض ، تستمر الحياة ... ثم إذا ما غربت فإنها تلملم  
هذه الشعور وتصنع منها ضفائر تنام على صدرها ، حتى مولد  
إشراقة جديدة .

إلى الأرض الأم أنثر شعور شمس الحب مع كل إشراقة في  
صباح جديد ، وأجمعها ضفائر ، أمنحها نداء الحروف ، حتى  
تغنى لها في كل مساء .

نجوى




---

## بیونتی و ضفایری

---

□ v □





---

وانا لسه بضيفرتين

والقصة على قورتي

كان كل رمل البحر

مفروش عشان امشى

أواجه بتقنى

عشان تسمعنى

- أضحك وأتنلط

يحدقلى ودعايه عشان توشوشنى

ولاغيرى يسمعها

لما تكلمنى

عمري ماخفت الموج

وأنا وراه باجري ...

وهو يسبقنى

ياخد ضفيرتى يشدها منى

أهرب لحد الشط

يجري يحصلنى

يُنتر على عنيا

---

من ميتة شويه

وأما أغفضمهم :

يسرق فيونكاتي !

ياكثر أهرامي ...

م الرمل على شطه

دانا ياما سامحته

لما بعث موجه ...

يهدم ف أهرامي

\*\*\*

ضاعت ضفايري لما قصيتها

ماعادوا فوق صدري ...

نايمين ومش خافين

ماعادوا فوق ضهري

شادين عيون الناس

دلوقت طول الوقت

لما أزور البحر

أقعد علي شطه ...

لاأجري ورا موجه

ولا هو يلحقني


---

لكنى باغزل من بعيد مواويل  
واحدفها ... ترجعلي :  
صايدة هموم البحر .

\*\*\*

لساه بيغرش رمله علشانى ...  
ساعة ما اهل عليه  
لساه بيسال فينها أهرامى ؟؟

يا بحر لو قصدك  
أبنيتها من رملك  
رجع لى فوق صدرى ...  
ببيوننتى وضفايرى .



---

## ميم ألف .. ميم ألف (إلى رحاب)



---

لساها مهما تشب ما تحصل كتافي  
لساها كانت دافسه راسها ف حضن دافي

لكنه راح

\*\*\*

الصبح شقشقت العينين  
مالقتش غير الحزنانيين  
الزي متوحد وأصوات الأنين  
والرعب يهبش قلبها

( فين اللي كانت ... )

دافسه راسها في حضنها ..

طول السنين !؟

دارت عينيها ف كل حته ، ف كل ركن

ولسانها متكلبش ، وخوفها بيتولد

وايدين تقرب منها

تجرى قوام وترقها

وبترتجف ...

فجأة ... وتقف

---


والصوت عليها ينحذف  
( ميم ألف ... ميم ألف ... تبقى ايه ؟ )

\*\*\*

طول النهار  
محتار سؤالها ع الجميع  
ماحد رده بالجواب .  
تعب السؤال ، والليل وصل  
( وحكاية الشاطر حسن الدور عليها تنحكي )  
دخلت أودتها تنتظر وش القمر  
لما يطل يقول لها :  
( كان ... ياما كان )  
لكنه غاب !!  
نادت عليه ...  
جولها الجميع ،  
وشه ماكان في وسطهم  
الليلة كان نومه ثقيل  
ماقدرش ييجي بالعجل ،  
والليل ماهش على على قدها



توبه مجرّج منها  
وأما النهار شال الغطا  
غسلت دموعها وشها  
أخذت معها مشطها  
من درج كان جنب السرير  
دارت تنور  
فين يضفر شعرها  
جربوا الجميع واتقدّموا  
الكل ضفر بالإيدى  
وف كل مرة تفكها  
- ما حد لف لها الضفاير بالدفا  
ما حد يعرف ...  
الفيونكة مكانها فين  
والتوكة لما يحطها لها ف شعرها  
ما تقعش منها ... وعمرها ما تشكها  
ما حد غني .. وقال لها :  
ميم ألف .. ميم ألف ...  
تبقى إيه ؟؟



---

کرباج جدید

---

□ ۹ □



---

عبله خلاص اتجوزت عنتر  
الفارس الأكبر  
سد الودان علشان مايسمعشنى ...  
صوت العبيد ع الباب  
( م الفجر ياعتنتر واقفين لحد الظهر  
وانت مابتدش  
نايم وكان الليل ...  
صاحبك وصاحبنا  
طوله بتحكيه  
يسمع ... ويحكينا  
وليالى ياعتنتر وانت معشمننا  
أخرج لنا .. اصحي ...  
اجمع صكوك البيع  
احرقها ... حررنا  
ماتخلي كراييجهم تنزل علي ضهورنا  
مادام بقى لنا ضهر )  
فجاة ... فزع عنتر

---

الفارس الأكبر  
ساعة خروجه اتقدموا كل الخدم  
رفعوا كراييجهم  
رفع العبيد صوتهم .

عنتر زعق :  
كفاية .. مش عايز كلام  
كله هناك يرجع ورا  
صرخوا العبيد:  
عنتر بقى كراياج جديد  
عنتر كَلْبَشَاتنا الحديد  
عنتر عرف ياخذ ... ويدفعنا تمن

لايد إنه يندفن  
يايدينا ... وصكوكنا معاه .

١٩٨٧/٧/٢٣

---

اليوم ماهش نصين





اليوم ماهش نصين  
بين القمر والشمس  
اليوم سنين ...  
وف كل لحظة درس  
قال الورق كل اللي عنده خلاص  
والآن : نقول احنا .

\*\*\*

صاح الأذان  
صاح الرضيع ... وصحيت  
طلت عنيه ماالتقيت بنتي  
- تحت الغطا الدايب -  
ولالقيت الواد

فجأة : صرخ نبضي  
غطى صرخ الرضيع  
خطفت فوق كتفى الرضيع ... وجريت

---

- دافناه ف شال ... شلته

من يوم ماشلت الهم -

أهم ولادى ... أهم

وسط العيال متجمعين

عبوا الفضب جوه الحجر

وف وش إبليس انفجر

إبليس فَجَزَّ .. حصد الجميع بالرشاشات

لكنه ماطالاش الرضيع

صوتى اتخرس

وعنيّه بتعد الحرس

حفنه صغار

كانت ف حاجة للدفا

مالقتش حجر يضمها

غير أرضها ...

" الأرض أرضنا


عن أبنا وجدنا

وبكره ... واللا بعده

لعيالنا بعدنا "

---

## العيش السخن



---

أول مرة يا أبويا تنام  
في الحمام  
يفسل جسمك غيرك يا بابا  
ونخيط لك توب مخصوص  
لافانلات ... ولابيجامات  
ولا بنقول لك يا بابا نعيمًا  
وانت بتخرج م الحمام

\*\*\*

تخرج واحنا دموعنا سيول  
مهما نصدق .. إيه ح نقول ؟؟  
رايح بعد شوية هناك  
لاحترجع ... ولانستناك  
دايما كنت تروح وبترجع  
شاييل فرحة .. وشاييل شيله  
بنفارق منها ماتخلصشني  
وينبعت لبقيت العيلة

---


عشت تفرق فرح ولهفة  
وأما المرض القاسى ندهلك ...  
قلت : اتفضل  
دخل ارتاح جواك ، ماخرجشى  
كل مازرتك ... قلت له يمشى  
لجل أشوفك زارع فرحة  
بدل الحزن وصت الاله  
فضل المرض القاسى يحبك  
رافض يابا يفارق جسمك  
لما حَرَمْنَا ... وجرمك منا  
اتعذبت بضيفك ياما  
كل ماكنت أشوفه يحبك  
أتعذب لك  
وادعى يخفف ربنا عنك  
واحلم إتك ...

لحظة طردت الضيف وصحيت

ورجعنا للفرح ، وعشنا زى زمان  
ناكل لقمة : نقول الله  
وندردش من غير الاله

---

ييجى الليل نرتاح وننام .  
تصحى من الفجر .. تصحيننا  
لجل نصلي ...  
قبل الشمس ماتصحى وتيجي  
واما نصلي  
نلقي العيش السخن بينده  
كنت تجيبه ...  
لجل ماتفتح نفس الكل  
وادي العيش السخن كثير  
ولاحدش بيمد ايديه  
إتعودنا تقول لنا ياللا  
برد العيش  
جمد العيش  
بات العيش ....  
وانت ماقلتش ... ولابتنادي.





---

## ما جاش الدور على إسمى

---

☐ ☐

(٢م - فئات الخمس)



---

ياغالية ... ياللى حبيتك

باحب اليوم علي إيدك :

تفوتيني ...

وكفايه عذاب

\*\*\*

جمعت الورد ،

جيتك أجري بالصحبه ...

رميتها

وأنا كُفُينى لسه الدم ماليتها ....

من الاشواك .

\*\*\*

دعيتى الكل في عيدك

واسمى ماجاش علي لسانك

ماحاسبك !

جريت بليت لك الشربات

---

ودرت أفرقه بأمرك  
شكرتي كل من داقه  
ولومتيني ...  
لأنني ما شلت للغائبين

\*\*\*

لبست الحزن ...  
هربوا اللي دعيتهم ف يوم عيدك  
داريته جوه لحم القلب  
وجيت اجري  
بنبخس القلب ده الملهوف

وكان حلمي ...  
أشوفك جوه توب الفرح ،  
اداويكي من الأحزان

---

واديكي رجعت زى زمان  
وتوب الفرع منتقرش ببسماتك  
حمدت الله ، وبخرتك  
جريتى تدعي من هربوا ف يوم حزنك  
وأنا جنبك

ماجاش الدور على إسمى



---

## مجاديف على الصفيين

---

□ □





---

المركبة مايله ، والموج بيتسابق  
واتقسّموا الركاب  
إلّلي سرق له شرّاع  
والّلي سرق مجداف  
والّلي حلف ...  
ليوصل المركب .....  
سألمه لحد الشط ،

يصرخ بعزم الحب في الركاب :

قوموا نجّدف بالإيديين  
قوموا ... وربّي يعين  
( يمرجحوا السارقين ...  
المشنقة للكل )  
تغلى عرق الدم  
حفنة تقوم ... وتهم  
ويحاربوا موج البحر .. بالصبر والدراعات

---

وجلودهم السمرا ... يفصلوها شراع

( الرعب في قلب اللصوص ينهش

تنصب مشانقها ،

ترمى شباكها ع اللى جلده راح )

تغلي عروق الدم في الركاب

ويهب بالصرخة الغضب

يشنق السارقين .

تصبح إيدين الكل ....

مجاديف علي الصفين

ينهد حيل الموج .....

والمركبة توصل

١٩٩٢/٩/١٣

الإسماعيلية

---

**السوق**

---

☐ ☐



---

السوق مافيهش جينه صابحه ...

وفجل طازة .....

أوسريس

السوق مافيهشي جمبرى .. وبورى .. ودينس

السوق بيشغى بياعين

متزوقين ... متعطين

كل اللي مايتباعش .....

في السوق ده تلاقيه

شرف رخيص ، مترمى ، مالي السوق

تدوس قدمك عليه

قلوب واكّلها الدود

وبراها البشر متحنطين

أفكار بتقتل بكره .. قبل مايتولد

ملابس الامرا ...

وأخلاق العبيد .

\*\*\*

---

السوق ده عمره مش بعيد

وف كل يوم ...

ينضم له تاجر جديد

ساعة ما بيزغلل عينيه طول العماير والبراج

وهم بيزاحموا السحاب

وهو مش لاقى سكن بين القبور

ساعة ما يتمشى في سوق الجمبري ،

يلقاه مطلع له لسانه

وعمره ماشاقلوش لسان !!

ساعة ما يحشر نفسه في الأتوبيس

ونفسه ينكرش

ويطل من بين اللي سادين النفس

يلقي اللي متلمع في عربيته بيتمايل مع آخر شريط

وجانبه صاحبه بيشاور له ع البشر

ويققهقها .

ينزل من الأتوبيس ويحلف : لابقى منكم رغم عنكم

لاجل ارد القهقهه .

---

يندس وسط السوق ، ويتعلم يبيع  
تعلّى عمائره والبراج ...  
يتمشى في عربيته وماليها صحاب  
وشريط يبصرخ ، كلهم غنوا معاه  
ويغطى صوت القهقهة صوت الشريط  
ساعة ماميل جنبهم ...  
أتوبيس ... ومحشى بالبشر

١٩٩٢/٥/١٩






---

**الذهب**

☐ ☐

(م 4 - صفات الشمس)



---

كان الحمام ...

يلقط الغلة ... ويسبح الرحمن

كان الحمام يخاف علي بعضه ...

ويخاف علي وعده ...

ويكره الصياد .

كان الحمام يقسّم الغلة

ويبدر الحبات ...

عشان جنى بكره

واما السنابل ضللت ع الأرض :

حب الحمام الذهب .

\*\*\*

حب الحمام الذهب ... حتى كره بعضه

حب الحمام الذهب ... حتى نسى وعده

صبح الحمام أفراد .

ماعادش نبض الحمام للحب بيغنى

ماعادش غصن الزيتون منشال في منقاره

---

( غصن الزيتون راح يشغله

يعطله

عن جمع أمواله ...

اللي بتلمع في الفيضان )

فجأة : جه الصياد

نادت حمامة عليه

قالت له : تاخذ إيه ....

وتفوتنى لجل أعيش ؟؟

قال : أخذ الحمامات .

قالت له : وتفوتنى !!!

( الحيرة قدرت تخرس الصياد )

قالت له : ماتبانشى ... حتى أناديلك.

ورفعت الجناحين

وبكل قوتها ... ضربت نسيم الفضا

ولعشها وصلت .

نادت على كل الحمام :

ياللا الذهب ألوان ...


ع الأرض ماليها .

---

لا بصوا ... ولا تسألوا  
ما فاتش شيء م الوقت  
لقوا نفسهم  
- جوه الشبك -  
فوق بعض .

\*\*\*

واقفه الحمامة ،  
بتبكي للصياد :  
وفيت بوعدى خلاص ...  
إوعى تخون الوعد .  
ويضحك الصياد .



---

## مين يداوى البرتقان

---

□ □





---

برتقان العام معطّب ع الشجر  
والمداوى فين ... يداوى البرتقان ؟

\*\*\*

سافر اللي كان بيحرس ..  
قلبه كل البرتقان  
راح يدور ع المغارة  
اللي بابها يفتح لما يقول  
كلمة السر التمام  
اللي يدخلها يتوه ،  
واللي راح ...  
ما رجع من يوم ماراح  
كل ماييحت جواب  
للشجر ، يحكى انه جاب .. وجاب  
واما بكرة راح يعود  
راح يغطى كل أشجار الجنينه  
بالذهب ... مرجان .. ياقوت

---

لجل مايقاش مثيلها في الوجود

بيكي ....

ويقول له جميع البرتقان ..  
في الجواب :

"إحنا عايزينك تعود".

عطبت ع الغصن فجأة برتقانه

غصن كان منها قريب ...

مال عليها

عطبت كام صاحبه ليها

حبة ... حبة

عطبت كل الجيران ، كل الصحاب

واللى سلّمت ....

غيرانين الباقي منها .

\*\*\*

---

فجأة ... عاد اللي مسافر  
بالجواهر

: "جيت صحيح ...


بس ماتقدر تداوى البريقان "



---

## القناع





كنا صحاب ...  
ضاعوا الصحاب واتفرقوا  
كنا في نفس الوقت نضحك ...  
أو في نفس الوقت نبكى ... إنما  
زار المرض قلب الصحاب  
باعوا رغيفنا وملحنا ... ولبسوا قناع .

\*\*\*

لما نطل ف وشهم  
بنقول لهم :  
قبل القناع كان شكله إيه ؟؟

كرهوا يطلوا ف وشنا  
وف كل مرة نلتقى  
يتمنوا نمسخ شكلنا  
لكننا ... نتمنى يرجع شكلهم .  
ولإننا حالفين مانلبس زيهم

---

قفلوا البيان في وشنا

لكننا ...

فاتحين بيانا ننتظر ...

يهلوا ... من غير القناع .




---

## الرّداوي مجلّة



(م هـ - صفائر الخمس)



الرداوى بأعلى صوتها مجلجله  
" افرحوا يا حبابي لفرحنا  
النمر اهي بانث ونجنا"  
قمت فجأة ، رميت غطايا وانتفضت  
نبضى من رعبه يخبط في الضلوع  
النمر بانث،  
علي الراديو جريت  
إيدي بتلف الزرار  
إيد على نبضى تهديه لجل أسمع في النمر  
رغم إنى مالى نمره ف وسطها  
نمرتى وسمعتها من كام سنه  
إيدي بتلف الزرار  
الأغانى اتوقفت ...  
لما صاح صوت المذيع :  
٩٠٧.٦.٥

( الراديو بيذيع النمر  
ونمر بتسقط في الطريق

---

قلبي ارتجف  
رغم إني ماليش في النمر  
لساني لما بافتكر  
يوم انتظاري لنمرتي  
تتذاع نمر من قبلها  
من بعدها  
وأنا باتحرم أسمعها واتمتع بها  
بين النمر  
بيبارك الصوت اللي كان ليهم نصيب )

٣٠٠

٣٤٠


٥٠٠

أه ... كفاية ....  
كل عام ...  
أصحي من عز المنام  
لجل أسمع في النمر  
كنت فاكركه ارتحت لما سمعت مره نمرتي  
كنت فاكركه فرحتي

---

راح تنبت جوه نبضي ...  
للسنين الجايه مهما تفوت سنين  
طول شهور العام ، وانا بانسي ...  
وفي اليوم ده افكر  
كان لي نمره من سنين  
كنت قاعده جنب راديو بانتظر  
: ماسمعتهاش

إنبدر دمعى علي صدرى ساعات  
والرداوي مجلجة :  
" واللي علي خده نشوف دمعاه  
حنقول له اهتم وحصلنا " .




---

نتيجة

---

□ □





فوق الحيطان

جوه البراويز القزاز

واقفة أسامينا طابور

محبوسة بالعلامات :

( صح ✓

صح شرطه ✓

صح شرطتين ( ✓✓

طب إسمى فين ؟؟

فين ؟؟ ... فين ؟؟

تجري عيَّنه ع السطور

وتدور .... تدور

الصوت يعدى من ورا كتافي :

طب اسمك ايه ؟

حاولت الملم في الحروف ما قدرت

فجأة نطقت .....

إسمى أهه .....

إيه العلامة دي ؟

---

( غلط × )

إسمي أنا عارقاه  
ماقهوش غلط شايفاه

الصوت همس :

دى علامة اللى حظهم خانهم

جريت ...

رجعت البيت ....

بكيت

\*\*\*

سحبت فستانى الجديد

اللى سهرت عليه أطرزه رجل الغراب

لابد اغيز بالإيدى حظى -

وبدأت اطرز ( صح ) فى الفستان .

---

لكن ما جاش العيد

---

□ □



جهزت نفسي زمان  
ولبست توب العيد  
ضفرت شعري بالشريط الأحمر الزاهي  
اللي خطف لونه .....  
من لون زهور توبي  
اللي بعث لونه .....  
لخدودي وشفافتي  
الفرح كان في القلب مستني  
عشان م يطرح يومها في عيوني  
ويغني في صوتي  
ويرعش الكفين .....  
لكن ..... ماجاش العيد !!

\*\*\*

كل السنين م تمر  
بتشيخ سنين العمر  
والعيد بيتأخر  
ولامرة بيفكر

بيعت لقلبي عذر

\*\*\*

ياما وعدني العيد

وانا ياما صدقته

دلوقت مش وقته ...

العين ماتقدر تبكي م الفرحة

من كتر ما بكيت

لساه بيوعدي

إنه حييجي أكيد !!

ونفسه يلقي اللبس زي زمان ...

- ألوانه تتكلم

والفرحة جوه عنيه بتزقطنط

لما يقرب مني ويسلم -

ما عرفش إن الفرح ...

أد الصبر ما يصقيه :

بيشيب ... ويبعجز

وبيمشي يتعكز

على سنين العمر .


١٩٨٨/١١/٢٣

---

## حتة عيل شغال

---

□ □





ع الفن ياليلي أمان  
وأمان ياليل ع الفن  
في بلدنا كثير مشاهير  
أشهرهم أهل الفن  
ودي قصة لنجم ستار  
حبّ الجماهير خلاله  
مابقاش بيبيص وراه  
وبيهرب م الجماهير  
ولولاهم عمره ماكان  
لابيلمع ولابيبان

\*\*\*

ولإن الواد فنان  
قلنا نسهر وياه  
وأخذنا ولادنا ... ورحنا  
أطفال ... لكنه حبّوه .  
في السهره ضحكوا كثير ...

---

من جمهوره الحاضرين

مش ع العمل المكتوب

لكن على نكته البايخة...

وشتيمه ماليا مكان

إتحملنا علشان ...

خاطر أطفالنا كثير

ياما حلموا باللحظة

اللي فيها يشوفوه

يتكلموا مره معاه

ويسلموا برضه عليه

ياخدوا لهم صورهم جميله

للذكرى .. عشان حبوه

لكن هذا الفنان

- بعد المولد ما انفض

واه صَفَصَفَ علي كام حدّ -

حراس سبقوه

حلقوا ع الناس بالحبل

---

أنا قلت : دا إحنا الهبل  
ولقيت ولدينى بيجروا  
والفرحة كمان سابقاهم  
مادين له ياعينى إيديهم ...  
لكن حراس البيه  
زقوهم وسط الناس  
فتحوا له ببيان عربيته  
واترصوا كمان حواليه  
قافلين شبابيكها ... كأنه  
بينه وبين الجمهور  
تار بايت عمره سنين

والواد هريان من خوفه  
أحسن ينطخ عيار  
أنا قلت : يافن ... دا عار .  
ولا عالم إلا لله  
باللي راح يصبح فيه

---

واللي بيتمنى سلامة

ويخل بسلامه عليه

بكره راح يصبح إيه .

فجأة سالوني ولادى

ليه ياماما مش بيسلم

ع الناس زي الباقيين ؟

إحترت ... حزنت ... بكيت ...

من غير دمعاتى ماتجرى

قلت لهم : أصله يادوب

حتى عيل شغال .

١٩٩٢/٩/٢٠

---

**الورد ... سرق الوقت**

---

□ □



ع السلم قدمي .. وعيني لفوق  
من تعبى وقفت  
لكنى أبدا ما اتوقفت  
محتاجة لصوتك يدفعني كل ما اوقف  
أبدأ وأهم  
محتاجة لصوتك يسبقني  
وانا ارد عليه  
محتاجة لكفك تملأها بالورد اشكال  
مهما نتسابق .. مهما نمد  
الوقت : مايخطفنا م الورد  
اللي جمعنا زمان ...  
كان دايم يفرح بلقانا ...  
في أي مكان  
دلوقت سرقتنا منه الوقت  
لا احنا بنسقيه  
ولا حتى بنسال : عامل إيه ؟  
وان لحظة هربنا من الوقت وطينا عليه

---

تبتسم اوراقه وتصحى  
ويتحضرن بعض من الفرحه ...  
تجري الدمعات

- ساعة مانمىل فوق الورد -  
تدحرج على ورقه من خد لخد  
نوعده ... مش راح ننساه ونغيب  
نرفع وشنا ...  
نمسح دمعاتنا لبعضينا

\*\*\*

نتلفت ع السلم فجأة  
والشمس بتبدر خصلاتها أشكال وألوان

بتسرح ... علشان السهره ...  
نتقزع ...

سرق الورد الوقت  
نجري ع السلم ... نغرق ... ننهج ... مانوقف  
والباقي كثير  
والوقت بيجري ...  
واحنا وراه



---

باسقف لك

---

□ □

1. The first part of the document is a letter from the author to the reader, explaining the purpose of the study and the methods used. The author states that the study is a qualitative research project aimed at understanding the experiences of people who have been affected by a natural disaster. The methods used are interviews and focus groups.

2. The second part of the document is a literature review, which discusses the existing research on the topic. The author identifies a gap in the literature and explains how the study will contribute to the field.

3. The third part of the document is the data collection and analysis section. The author describes the process of conducting interviews and focus groups, and how the data was analyzed. The author identifies several themes that emerged from the data.

4. The fourth part of the document is the conclusion, which summarizes the findings of the study and discusses their implications. The author concludes that the study has provided valuable insights into the experiences of people affected by a natural disaster, and that the findings have important implications for future research and practice.

الزهر ف كفي ...  
وكل مالف بعيني والدور  
بيلف وييجي عليه الدور  
وبعزم ماعندي بارمي الزهر :  
ويياخذ غيري الكاس !  
ويهمهم كل الناس :  
كفياكي خلاص .  
بينى وبين نفسي أقول :  
لازم أخرج م اللعبة .

ألقاك من وسط الكل  
بتشق صفوف  
توصل لي ،  
تطل ف عيني ، تشد الخوف  
ترميه ع الأرض طريح  
تحلف لي : حناخدي الكاس .  
وانا كل ماباسمع اسم اللعبة

---

بترتجف النبضات  
وبترتعث الكفين  
وترف العين  
تحضن كفيني بكفينك

تهوي النبضات  
تهوى الرعشات

من تانى أهمّ واضم بكفى الزهر  
وأطل ف عينك  
ويعزم ماعندي أرميه :  
يوصل للكاس

وتسقف كل الناس  
ويعزم ماعندي بأسقف لك  
وباقول :  
مبروك


١٩٨٨/٧/١٨

---

حاجة ماهش ليّه

---

□ ❖ □



من كام سنه  
وانا نفسي ألمح في الكاسات شربات  
بيوزعوه الكل علشانني  
نفسى ... في صوت زغروطه ف وداني  
وإيدى كفوفا تلتقي بكفى  
ولسان يقول : مبروك .

\*\*\*

من كام سنه  
باستنى .... واتمنى  
والمرة دي حظي وزع لي شرباتي  
وملاى كل وداني بالزغاريد  
والكل قال مبروك.  
وبصوتك المخنوق  
كنت انت أولهم  
هل الفرح في عنيك ...  
ملفوف بتوب حزنك ...  
ساعة ماكان الكل حوالية

---

والشعله في إيديّه

دانا من سنين ... وسنين  
باستنى ... واتمنى  
لكنى ما اتمنيت ... أفرح وانت حزين

\*\*\*

لوحزنك المنحوت  
في النبض طول عمرك  
بيطل من عينك  
حتى في يوم فرّحى :  
يبقى غلط حظى ...  
وهداني دي المره  
حاجة ....  
ماهش ليّه.



---

## إختار طريقه القمر



---

كان القمر والليل

طول السنين حبيبين

مرة إيديهم في الإيديين

يتنططوا ... ومزقططين

مرة بيتخاصم مع الليل القمر

يصبر عليه الليل ...

ودايما بيداديه

ويرجعه ... إيديه ف إيديه

ويغني في الموالم :

الأوله أه

والثانية أه

والثالثة أه

\*\*

والقمر جنبى

م اللي في قلبى

فاتتى يا صاحبى

الأوله أه

والثانية أه

والثالثة أه

والقمر جنبى

الأوله أه

---

من كثر خوفى عليه  
والتانية آه  
م اللي في قلبى  
ولا هو حاسس بيه  
فانتى يا صاحبى  
والتالته آه  
والجرح مين يداويه ؟

\*\*\*

دايما ما بيهونشني علي الليل القمر  
وأنا كل مالبح دمعته في الموال  
أجري وانادى ع القمر  
وأحلفه ما يفوتشني إيد الليل  
فات القمر لليل إيديه ...  
وإداله ضهره وراح

الليل وقف ...  
واتسمرت رجليه  
لاداداه .... ولادور عليه  
: إنشوق - ياليل - القمر نصين  
نص تاه

---

ماحد يعرف هو فين  
نص طالل م السما يسال عليه  
والنجوم تنده وراه :

حد شاف نص القمر ؟؟  
محنيه رأس الليل على كفيه  
سالت دموعه م الجفون  
سابقه خطي الموال :  
الأوله أه  
والثانيه أه  
والثالثه أه

\*\*

والقمر حبي	الأوله أه
ليه بيلعب بي ؟	والثانيه أه
قلبي متعبي	والثالثه أه

\*\*

والقمر حبي	الأوله أه
	ياما حاولت أرضيه
ليه بيلعب بي	والثانيه أه

---

والقلب ملك ايديه ؟  
والتالته أه  
قلبي متعبي  
وازاي اشيل أنا فيه ؟

\*\*\*

اختار طريقه القمر ...  
وحلال طريقه عليه .

---

ما تعتذر

---

□ ◻ □





---

ترفعني كفيك  
لفوق ... لفوق ... لفوق  
تلمس كفوفي في السما النجمات  
يطرح فرح قلبي نبضات منديّه  
يضحك لي وش القمر

لكن ...  
تخطفني منه عنيك  
وبترتعش كفيك .....  
وأتحط فوق الأرض

ماتعتذر ....  
ماراح يفيد ...  
الكسر مهما يطيب :  
لا بد إنه يئن .

\*\*\*

ماتمد كفيك

---

رَبِّعْ خَلاصَ دِرَاعِيكَ  
مَاعَادَتِ التَّجَمَّاتِ حَلْمِي وَلَا أُمَلِي  
لَسَاهَا كُلَّ الْكُسُورِ  
بَتْنُنْ لَمَّا احْلَمْ  
لَسَاهَا صُحْبَةُ نَبْضٍ فِي كَفِّكَ ...

تَنْطِقْ ....  
تَدُلُّكَ .....  
بَسَ مَا حَيْفِيْد

\*\*\*\*

لَا بُدَّ إِنْ الْحَلْمَ  
- اللِّي رَحَلْ عَنِّي -  
يَبْقَى لَهُ طِفْلٌ جَدِيدُ  
أَبْدَأْ مَعَاهُ  
يَحْبِيْ وَأَنَا وَبَاهُ  
وَأَسَاعِدُهُ يَتَسَنَّدُ  
وَأَشْجَعُهُ يَمْشِيْ  
يَشْتَدُّ ... يَا خَذْنِيْ

---

لهناك يوصلنى  
تترص فوق تاجي - حوالين القمر - نجومات

كل الكفوف  
تصبح دفوف  
كل الدموع ترحل ...

والكسر لما يئن ...  
ماائِن ... واتحمل .

١٩٨٦/١٠/٣٠



---

زهرة مصرية

---

□ • □



---

قلعوها برعم ...

محتاج يرضع من أرضه

يتفتح ....

يرفع راسه...

يطل ف عين الشمس

مع كل صباح الخير .

زرعوها هناك

في أرض الحريه الهمجيه

ورووها بمية نار

تحرق فيها الروح

ويظل الجسد المتحنت

يتخبط في كل جدار .

\*\*\*

صرخات الديسكوف كل مكان

وف كل ودان نداءه تنادي :

---

( تحيا الحرية الهمجية  
من حق الجسد الحر يعيش  
من حق الجسد الحر يعيش )

\*\*\*

فتحوا لها ف يوم الشباك  
طلت منه علي أرض المهد  
الدهشة انبدرت جوه عيونها  
نبئت ألف سؤال :  
الحرية ... الجسد ... المال ....  
مال الخلق ماهش بتمد ...  
وتجرى وراهم بالمشوار ؟  
صرخت ف ودانها النداهة :  
( دول بيننا وبينهم لسه كثير  
إحنا وطلعنا واجهنا القمر المتعاقب  
بحقيقة وشه ،  
لكن نول ...  
لسآهم عايشين ينادوله بأحلي الأشعار )  
لسآنا صحيح ....



ف قلوبنا النبض ماماتش ... ولسه الخير

ف قلوب الكل كُمرَ وبذور

نتشيك بايدينا ...

لورُور ع الأرض :

مهما بتحاريه الريح ....

عمره ماينهد

وودانا .. اللي بيسكنها كلام الله

الخارج حرف بحرف من التبضات

مايسمع صوت النداهه ، مهما بتصرخ

تنتحر النداهه ...

مادمنا لابنسمعها

ولا بنمشي وراها

ويترحل لبلاد الحريه الهمجيه

علي نغم الديسكو ...

يعلا صراخها ف كل مكان :

من حق الجسد الحر يعيش ...

من حق الجسد الحر يعيش .




---

عقلة الصباغ

---

□ □



---

بالرغم إنه لسه  
يادوب عقله صباع  
نفسه يمد إيديه ...  
يقطف بلح نخلة  
كل اللي يسمع : كفه يضرب كف  
والضحكه تعلا في الفضا وتعلا  
ويحلف العقلة :  
لامد كفي ف يوم ...  
واجمع بلح نخلي ..  
\*\*\*

في الليل يفكر  
في النهار يبني

---

بدأ الهرم بعد التعب يعلا

كبر الهرم ...

طالع الهرم عُمَّله

طال على النخلات

وهي مش طايلاه

قطف البلح بإيديه.....

وزَّغ على الأحباب .

---

## علشان تعود الشمس

---

□ □





---

من عمر فات  
والناس بتغسل همها في النيل  
والشمس بتصيد الهموم م النيل ،  
وتحذفها ورا  
تتطهر الميه ....  
وتغسل من جديد .

\*\*\*

الشمس غابت من سنين عدت  
والنيل يعبى قلبه هم الناس ...  
لما طفح  
الناس ما قدرت تغتسل من همها  
دفنت همومها ف قلبها ...  
لما طفح

الخلق داق ....

شال بين ايديه رشاش  
وقتل الاخلاق

\*\*\*

---

الشمس لساها ماهش قادره تعود  
والليل بيبنى في السدود  
- بين البشر والفجر -

والنيل ثقيل الخطي ...  
من كتر ماشاله  
انهد لما اتسجن ،  
ماعاد يفيض ويهد  
والليل مالوش صاحب  
إلا وحوش الليل

ياصبر ... ماعدتش جميل  
ياغنوة القلب العليل  
يادمعة الموال  
الدود كتر في الأرض  
ماعاد يهمه حد ...  
من يوم غياب الشمس

\*\*\*

الحب سافر لماشاف القلب

---

ماعادش بيه بيحس

ياشمس ...

ياغضبانه ...

ياطفشانه ...

يامتغممة

ردي علينا ، ومدى إيدك من جديد

الليل مغمى لنا عينا ...

وانت فين ؟

والصرخة ليه مابتوصلك ؟

ياقلب لسه حبه مافاتهوش ...

الصبر حينور بحتّه من القمر

واحنا نقتل في الوحوش

الليل يفوت هربان ،

تنهد بإيديهم الجميع كل السود

ونشد إيد الفجر

وننور الدنيا ...

علشان تعود الشمس

١٩٩٢/٩/١٨




---

دوران

---

□ □



---

الساقية تلف ... تلف ... تلف  
تغرف فى الميه ، وفوق تحدف  
لاهى قادرة توقّف .. قبل الأرض ماتشبع رى...  
ولاقدرة تشوف التّور همدان  
والأرض تحب تطل ف عين الساقية تشوف ...  
الفرح بيرقص ويا الزرع شمال ويمين

والساقية مع اللغات بتئن  
التور يحزن  
يتمنى بطول العمر يدور  
ينشق ... ويبقى هو الساقية ... وهو التور  
علشان الساقية ترتاح  
وتغنى وترقص ويا الأرض  
يسمع أغانيهم ،  
ساعة ماينهد  
تتغلغل جوه عروقه عزيمة ،  
يقوم ... ويلف ولايهموش دوران .

---

لكنه بدون الساقية، مهما يلف سنين  
لا الميه حتطلع تسقي الزرع  
ولا عمر اللون الأخضر ...  
حير عرع في الأرض .



---

## الضفاير

---

□ ١٢٩ □

(٩م - ضفاير الضم)



---

لما كان شعري بيتسابق  
ويطرف لى عيوني  
كنت أصرخ : الحقونى  
واجري وارمي نفسى في حضنك يا أُمى  
كل شيء يخف مهما بياأمني  
وارضى إنك تعملي شعري ضفاير ...  
لجل مايطرفش عيني.

كنت دائماً تفهميني  
تقدرى - - مهما تعبت - تريحيني

\*\*\*

واما قصيت الضفاير  
تاهو منى ... وتتهت منهم  
غصب عنى دمعى يجري

---

كل مرة أفكرهم  
كل ما اتعب ... نفسي أجري لحد حضنك  
يجري حواليه الصغار  
يرتموا ف حضنى : أحوط بالإيدى

نبضى بيرفرف وهم مزقططين  
أه يا أمي .. قولي تسوى كام ضفيره :  
لما أخذهم في حضنى !؟

---

## المنادي

---

□ □



---

نادي المنادي :

( يا أهل الحى ...

الله حى

وكل من عليها فان

توفى إلى رحمة الله

فلان

والطلعة بعد صلاة الظهر

من أكبر مسجد في الناحية )

\*\*\*

رغم ان ببيان الشقة المقفوله ...

لسه ماصحيتش

وانا تحت غطايا الدافى ...

م البرد باكش

صحانى الصوت

والدنيا سكوت ، هس

حاولت ، أغطى وداني وانا م

---

همست لي وداني بنفس الصوت  
وينفس الكلمات  
انتفض الجسم  
ارتعش القلب  
التفت الهم  
انزعج الحلم  
همّ كابوس ساحب ف إديه  
كوابيس  
خفت أغمض عيني وانا  
أحسن تخنقني الأحلام  
جبت الورق الفاضي وقلمي  
لجل املاه  
لجل أخرج من جوايا  
خفي وهمي وكلمة أه  
لسه يدوب الصفحة بتخلص  
عدى منادي جديد بيصرخ :  
عيل تاه

\*\*\*



---

عيل صغير تاه

أمانة مين يلقاه

يرجعه لاه

وثوابه عند الله .

\*\*\*

أمه هناك واقفه

ع الباب بتستناه

م الدمع مش شايفه

ولاسامعه غير الاله .

\*\*\*

الواد خرج يلعب

ويأبقيت لعيال

وف كفه لقمايه

وكمان طمطممايه متغمسه بالملح

مرشوشه بالكمون

قفطانه كان لونه

زى السما البحر

---

في رجليه شبشب كان  
أصله زمان ... صندل  
شعره بلون الليل  
وعنيه حارسها رموش  
اللي يخاف الله ، يشوفها ويكبر  
خنوده بكّة الدم  
ودمه كان شربات

\*\*\*

ياكل أهل الخير  
أمانه لو تلقوه  
توصلوه لامه  
دي نفسها تضمه  
لجل الآمات تهمد


\*\*\*

أه لو صحيح تلقوه  
إدوه قوام لأبوه  
اللى حفت رجليه

---

يسأل علي لحيه  
عنوانه مايتوهمش  
البيت هناك في الوش  
مايل علي جنبه  
ساند علي صاحبه  
متوضي مستنى  
قدره يأنن له -  
في التوحىلى .

١٩٩٠/٢/٢٦




---

**وحوى ... يا وحوى**

---

□ □



ماشى بيتنطط  
مع جده ومزقطط  
وفانوسه بالشمعه  
في صوابه متشعبط  
كام شبر طوله يدوب  
ويدوب له كام سنّه  
ياكل حروف الكلام  
ويسيب يدوب نصه  
الجد بيه طاير  
خايف هوا يمسّه  
نفسه يحققله  
كل اللي في نفسه  
شاله وجاب له فانوس  
أول ماقال .. عايزه

\*\*\*

ماشى يمرجح في الفانوس الواد  
والشمعة كانت سارحه في الايام

---

قرب صوابه منها ... اتسعت

عيط ، وهي شافته بكيت

مد الصغير كفه بالفانوسه

خد كفه جده بالفانوس باسه

ضحك الصغير تانى وانتشط

والشمعة لساها

تبكى من الايام ....

اللي جابتها ، للفانوس صدقه

وف ليله راح ترحل والفانوس يطفي .

\*\*\*

الجد طل عليها ، في الفانوس ، شافها ...

جريت علي خده من دمعها دمعات

سأله الصغير :

" جدو ، دى من إيه ؟ "

شاله بسرعة وخبا وشه فيه

ومشى يغتيله ...

وحوى ياوحوى ... إياحه


وكمان وحوى ... إياحه



---

ما هو إنت بقيت العمر  
وان كان رمضان حيمر  
راح يرجعك بالراحة  
وحوى ياوحوى إياحه  
وكمان وحوى إياحه  
وحوى الليله أنا شايلك  
واهه بكره تشيل كده إبنك  
وتجيب له فانوس ويزقطط  
وساعتها تحس براحه

وحوى ياوحوى إياحه  
وكمان وحوى إياحه .




---

**البيه الدكتور**

---

□ □



العله خادتنى لحد ببيان الطب اهبد بالكفين  
يفتحلي الباب ....  
أنتظر الدور ، رغم انى حجزت بقالي شهور  
بس البيه الدكتور  
له زباين في كل مدن وكفور  
الأرض العربية  
وانا دايماً صبرى يونسنى في كل مكان  
وشوشنى وقاللي : ماتضايقيش  
مديت نبضاتي سحبت الألم اللي مايكتبش  
وبدأت ارسوم ع الوش  
علامات الرضا - مارسمش !!  
جمدت دموعى ف عيني  
غطيتها بصف رموش  
فلتت ... هربت ... شربت منها شفافي  
وقالت : آه  
ولاحد اهتم  
الهانم اللي بييدها الأمر

---

لو حد يحب يمر

للبيه الدكتور

قالت : بالدور

واهه بعد عيوني مابدرت ف الدمعات

والوقت المهدود قام رُوح في ساعات

ندهتلي الهانم ، سمحتلي أدخل للبيه

ودخلت

في صالون - لملك مشهور

والبيه ع المكتب مش داري

من كتر جمال المزيكه

وهناك على بعد ... علي شاشة تليفزيون

وساكني بدأت أوصفله ف طعم المر

إللي سقهولي المرض القاسي بقاله

سنين

والبيه مشغول بالمزيكة ، ويبطل الفيلم

ويرن التليفون يستأذن

وانا غصبن عنى أقوله : سمحت

- مهو يمكن برضه مريض

مش قادر يجي لحد البيه

---

ولو ان البيه ، من عمر مازرش مريض

في البيت -

من بعد آله

قال الدكتور :

بقي ده معقول

كده برضه ياراجل زعلت الست

إزاي تتأخر ف الطلبات

دانت خليتي ف نص هدومي

لحد اليوم

ساعة ماقلتلي السمك

الطازة لسه ماجاش

بصراحه ...

أنا قلت : انت ماتسواش

أرجوك أنا مش عايز

حلفان

ياسيدي أنا عمري فاصلت ؟

فكر إزاي حتراضي الست

وأنا كل ماأهم علشان اتكلم ...

ألقاني سكت ...

وأخيرا قفل التلفون ، من بعد ماقال :

طول ما هي غضبانة أنا طبعاً غضبان

فكر إزاي حتصلح ده وتراضى الست

ياراجل بس عيادة إيه

هو أنا باتأخر ياعزيزي ف الرد عليك

لاحياتك ولاجتي عنك لازمني

أنا عايزك ماتزعلش الست

وسلام .

حط السماعه بحثيه وأنا نفسي انحط

قلتله أرجوك ، اسمعني انا ....

قاطعني وقاللي ياستي سمعت

وف دفتر لونهُ بلون الفجر

زروطه بالحبر

وطالبني بكل فحوص الأمراض

علشان البيه

يعرف ، أنا باشتكي من ايه ؟؟

١٩٩٢/٩/٣٠




---

**فوقية**

---

□ □



---

كان بينى وبينها سفر مسافات  
نتقابل دائماً في الأجازات  
نتلهف نعرف مين أشطر

( مين شعرها زاد طوله شويه  
أسماء صاحبات مين الأكثر  
نسأل ... ونجاوب مانفكر )

دى الكلمة خارجة من النبضه  
لاهى خايفه حساب  
ولاحتى عتاب  
وان صدقه من بعض غضبنا ....  
بنبوس الراس

وبأصغر أخ ف صوابنا  
بنشبك كفيّنا ونضحك  
ولاجوه قلوبنا ...  
غير الزفه من التنبضات  
والحب عريس  
رايح لعروسه ومتعطر .

\*\*\*

---

كنا بنتقابل في الأجازات  
نتمنى لو تطول حبه  
ماكانتش بترضى ...  
كان كل المدرسة ماتقرب ...  
ينقبض القلب .

\*\*\*

دلوقتى ....  
خلصت مدارسنا  
مرايلنا ماهش بتلبسنا  
زقططنا وقلنا لبعضينا  
ارتحنا خلاص ...  
وفضينا لبعض وللأجازات .

\*\*\*

هربت .. مش بتجينا الأجازات  
واهه دايما نتقابل صدقه  
ونحاسب على كل كلامنا .  
نتعاتب ...  
ولايخلص لومنا  
واقضل احلفها تدق الباب  
توعدنى ....  
لكن ماتدقش .

---

## المحتويات

٥	اهداء .....
٧	ببيوتتي وضيافيري .....
١٣	ميم ألف .. ميم ألف .....
١٩	كرياج جديد .....
٢٣	اليوم ماهش نصين .....
٢٧	العيش السخن .....
٣٣	ماجاش الدور علي إسمى .....
٣٩	مجاديف علي الصفين .....
٤٣	السوق .....
٤٩	الذهب .....
٥٥	مين يداوى البرتقان .....
٦١	القناع .....
٦٥	الرداوى مجلجة .....
٧١	نتيجة .....
٧٥	لكن ماجاش العيد .....
٧٩	حتة عيل شغال .....
٨٥	الورد .. سرق الوقت .....
٨٩	باسقف لك .....

---

٩٣	حاجة ما فاش ليه.....
٩٧	اختار طريقه القمر.....
١٠٣	ما تعتذر.....
١٠٩	زهرة مصرية.....
١١٥	عقلة الصباغ.....
١١٩	علشان تعود الشمس.....
١٢٥	دوران.....
١٢٩	الضفاير.....
١٣٣	المنادى.....
١٤١	وحوى يا وحوى.....
١٤٧	البية الدكتور.....
١٥٣	فوقية.....

---

### صدر للشاعرة

- ١- ديوان شهر زاد - الهيئة المصرية العامة للكتاب ١٩٨٨
- ٢- ديوان عرايس الشعر ( مشترك ) - مديرية الثقافة بالإسكندرية ١٩٩٣
- ٣- الغاية النظيفة ( قصة للأطفال ) - دار المعارف ١٩٩٤
- ٤- ديوان عُقد الحروف - هيئة الفنون والآداب بالإسكندرية ١٩٩٦
- ٥- ديوان عقد الحروف - هيئة الفنون والآداب بالإسكندرية ١٩٩٦

### لها تحت الطبع

- ١- ديوان بساط الريح - الهيئة المصرية العامة للكتاب .
- ٢- ديوان الرسائل - هيئة الفنون والآداب بالإسكندرية.

---

### الشاعرة فى سطور : -

- \* نجوى السيد محمد - من مواليد الاسكندرية .
- \* عضو اتحاد الكتاب المصرى .
- \* حصلت على عدة جوائز علي مستوى مصر ، وشاركت فى العديد من مهرجانات ومؤتمرات الشعر ، ونشرت أشعارها فى المجلات والصحف المصرية .
- \* ترجم عدد من قصائدها إلى اللغة الإنجليزية .
- \* نشر بحث عن أشعارها بالانجليزية فى مجلة الآداب التى تصدرها جامعة شيكاغو بالولايات المتحدة الأمريكية ، كتبه د / كلارسا برت .
- \* قدم دراسات عن شعرها كل من : -
- محسن الخياط - حجاج الباي - أحمد سويلم - د / فوزى عيسى - د / يسرى العزب - د . جمال التلاوى - د . زكريا عنانى - مصطفى عبد الشافى - فريدة النقاش - السماح عبد الله ... وغيرهم

رقم الايداع ٩٦/٣٠٥٣

الامل للطباعة والنشر : 3904096

---